

Namminersornerullutik Oqartussat kommunillu inissiaataannik attartortittakkanik inissiatut imaluunniit illutut nammineq pigisatut tiguisarneq pillugu Inatsisartut peqqussutaata allanngortinneqarnera pillugu Inatsisartut inatsisaat (Taarsigassarsianik sioqqutsilluni akiliisarneq)

§ 1

Namminersornerullutik Oqartussat kommunillu inissiaataannik attartortittakkanik inissiatut imaluunniit illutut nammineq pigisatut tiguisarneq pillugu Inatsisartut peqqussutaanni nr. 12-imi, 19. november 2007-imeersumi, Inatsisartut inatsisaatigut nr. 26-kkut, 17. november 2017-imeersukkut allannguuteqartinneqartumi imatut allannguisoqarpoq:

1. § 14a-p kinguliani §14 b ilanngunneqassaaq:

” § 14 b. Taarsigassarsisup taarsigassarsiani maanna naliusut malillugit sioqqutsilluni akilersinnaavai.

Taarsigassarsisup taarsigassarsiani sioqqutsilluni akilerpagit, akiitsut sinneri ullormi qinnuteqaatip

tunniunneqarfiani 3%-inik ernialerlugit Nationalbankip erniarititaanik ilallugit utertitassatut

kisitsisitalerneqassapput. Akiitsut sinneri piffissamit, taarsigassarsisup allakkatigut akiitsuminik akiliiniarluni

qinnuteqarfianit aammalu taarsigassarsiat piffissap erniaqartitsiviunngitsup akilersuiffiususnaanngitsullu sinneranut

kingumut ernialerneqassallutik, taamaattorli siusinnerpaamik taamaaliortoqarsinnaavoq taarsigassarsinermi ukiut

tallimat qaangiunnerini.

Imm.2. imm.1 taarsigassarsianut januaarip aallaqqaataa 2019 sioqqullugu tunniunneqarsimasunut aamma atuutsinneqarpoq.”

§ 2

Inatsisartut inatsisaat 1. januar 2019-imi atuutilissaaq.

Kim Kielsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut